

**Isu-isu
Kontemporari
Akidah & Dakwah**

Mohd Sabri bin Ismail

Isi Kandungan

Pengenalan	i
1. Konsep Dakwah dan Strategi Pelaksanaan Menurut Sunah an-Nahl:125 - <i>Mohd Sabri b. Ismail (KUiTTHO)</i>	1
2. Pemahaman Tentang Hari Akhirat dan Hubungannya dengan Kebejatan Sosial Masyarakat - <i>Che Zarrina bt. Sa'ari (UM)</i>	19
3. Sistem Ekonomi Islam Berteraskan Tauhid - <i>Joni b. Tamkin(UM)</i>	45
4. Peranan dan Kepentingan Akidah dalam Kehidupan Mahasiswa Islam - <i>Mohd Sabri b. Ismail(KUiTTHO)</i>	69
5. Pendidikan Seksualiti Menurut Perspektif Islam dan Hubungannya dengan Akidah - <i>Muhamad Zahiri b. Awang Mat(UIA)</i>	85
6. Pemakaian Tudung Kepala:Satu Kajian Persepsi di Kalangan Pelajar-Pelajar Perempuan - <i>Nik Rahimi b. Nik Yussof (UKM)</i>	103
Biodata Pengarang	117

Pengenalan

Perkembangan semasa menuntut segenap lapisan masyarakat Islam meneliti kembali kekuatan akidah dalam diri, kerana era globalisasi memerlukan kepada perkaratersebut bukan sekadar menerima ertikata akidah malah perlu memahami secara mendalam konsep akidah agar masyarakat tidak akan terjebak ke dalam pelbagai penyelewengan yang sekaligus akan merosakkan keutuhan pokok akidah itu sendiri. Dalam memenuhi kehendak tersebut maka dakwah adalah perlu untuk berusaha ke arah itu dalam mengemaskini kefahaman, kekuatan, kekuatan dan penghayatan akidah yang sebenar selaras dengan kehidupan dunia semasa. Dakwah dilihat sebagai perkara penting untuk mempertingkatkan kefahaman yang mendalam terhadap konsep akidah dan menekankan kepada penghayatan yang sebenarnya.

Buku ini ditulis bagi memaparkan hakikat kepentingan akidah dan juga bagaimana perlunya dakwah dalam kontek memenuhi tuntutan tersebut. Buku ini juga turut dimuatkan 6 artikel yang berkaitan dengan isu-isu semasa berhubung dengan akidah dan dakwah agar masyarakat mendapat gambaran yang sebenarnya tentang isu tersebut. Artikel-artikel tersebut adalah ditulis oleh mereka yang pakar dan berpengalaman dalam bidang akidah dan dakwah dari pelbagai institusi pengajian tinggi di Malaysia.

Artikel pertama yang telah ditulis oleh Mohd Sabri b. Ismail bertajuk “Konsep Dakwah Dan Strategi Perlaksanaan Menurut Surah an-Nahl :125” menekankan kepada konsep dakwah dan strategi pendakwah yang perlu mereka gunakan dalam mengetengahkan isu-isu, fakta-fakta dan juga idea-idea dakwah dimana dalam menyampaikan perkara tersebut perlu kepada pendekatan dan kaedah pergerakan yang lebih sistematik dan tersusun agar apa yang hendak disampaikan diterima oleh pelbagai masyarakat.

Prof. Madya Dr. Che Zarrina Sa’ari dalam artikel yang kedua telah memfokuskan penulisan beliau berkaitan dengan permasalahan yang timbul dalam kehidupan masyarakat adalah hasil dari ketidakfahaman

mereka terhadap pengertian tentang hari akhirat. oleh kerana mereka lupa dengan pemahaman tersebut maka lahirlah tingkahlaku yang salah dan bertentangan dengan tuntutan pencipta itu sendiri di mana hari tersebut tersebut adalah suatu hari yang dimiliki oleh pencipta. Perkara ini disebut dengan jelas dalam artikel beliau bertajuk “Pemahaman Tentang Hari Akhirat Dan Hubungannya Dengan Kebejatan Sosial Masyarakat”. Artikel ini banyak membicarakan berhubung dengan perlunya setiap individu muslim di peringkat awal menanam kefahaman berhubung dengan Hari Akhirat supaya mereka insaf dan tidak mahu melakukan perkara -perkara yang bertentangan dengan kehendak pencipta selaras dengan kejadian mereka sebagai hamba yang ditakliffkan untuk beribadah.

Kekuatan dan keperluan akidah bukan sekadar dilihat dari perspektif penciptaan manusia semata malah pembicaraan mengenai akidah boleh dilihat juga dari aspek ekonomi. Ia dipanjangkan perbincangan melalui artikel yang ketiga yang bertajuk “Sistem Ekonomi Islam Berteraskan Tauhid” ditulis oleh Prof Madya Dr. Joni b. Tamkin. Perbincangan artikel tersebut menekankan sudut pembentukan ekonomi yang baik dan utuh mestilah berteraskan kepada Tauhid selaku teras akidah umat Islam dan ia amat diperlukan dalam semua aspek kehidupan manusia sejagat.

Dalam artikel seterusnya yang bertajuk “Peranan Dan Kepentingan Akidah Dalam Kehidupan Mahasiswa Islam” yang ditulis oleh penyunting buku ini banyak membicarakan kepentingan akidah pada diri mahasiswa dalam membentuk mereka sebagai golongan yang berjaya dan cemerlang. Akidah yang betul dalam diri manusia terutamanya pelajar mampu membina sahsiah mereka dalam mencapai kecemerlangan diri dan bangsa.

Artikel kelima yang ditulis oleh Muhammad Zahiri b. Awang Mat memfokuskan perbincangan berhubung dengan Pendidikan Seksualiti menurut perspektif Islam. Perbincangan juga berkait rapat dengan akidah Islam dan penekanan diberikan dalam menjelaskan hubungan Pendidikan Seksualiti dengan Akidah.

Artikel yang terakhir pula mengemukakan kajian semasa di kalangan para pelajar. Kajian ini dilakukan oleh seorang pensyarah di Universiti Kebangsaan Malaysia, Nik Rahimi b. Nik Yussof berhubung dengan kewajipan pemakaian tudung. Enam artikel yang dimuatkan dalam buku ini dirasakan amat bermanfaat dalam memberi penjelasan kepada para

pembaca berhubungan dengan Isu-isu Semasa Akidah dan Dakwah. Melalui artikel-artikel tersebut dapat difahami bahawa setiap perkara yang berlaku ada kaitannya dengan kekuatan pegangan seseorang. Justeru penilaian semula kedudukan akidah sebagai paksi kepada kehidupan seharian. Wajar dilakukan. Melalui buku ini diharap para pembaca khususnya kalangan pelajar dapat mengambil manfaat dan pengajaran yang sewajarnya dalam memahami dan menghayati akidah serta peranan dakwah.

Penyunting

Mohd Sabri Ismail

KUiTTHO, Mac 2004

Konsep Dakwah dan Strategi Pelaksanaan Menurut Surah An-Nahl: 125

Oleh:

MOHD SABRI BIN ISMAIL

1. Muqaddimah

Dalam perkembangan dakwah masa kini perlu diteliti kembali bagaimanakah langkah-langkah yang telah dilaksanakan oleh badan-badan dakwah dalam menyampaikan dakwah kepada masyarakat dan pada masa yang sama kita harus menilai sejauh manakah keberkesanannya. Dakwah tidak berkesan tanpa ada satu pendekatan dan metod yang baik dalam menyampaikannya kepada manusia. Rata-rata kita melihat dalam dunia dakwah hari ini, meskipun gerakan dakwah ini telah begitu hebat dan kuat namun ia tidak mendatangkan satu konklusi yang baik ini apabila usaha yang dijalankan tidak menepati ciri dan keperluan masyarakat setempat malah jauh untuk mereka menerimanya sebagai satu pengajaran dalam meletakkan diri mereka sebagai umat terbaik.

Tulisan ini mengetengahkan beberapa metod yang perlu dipraktikkan bagi meningkatkan keberhasilan terhadap usaha tersebut.